



TOSHKENT DAVLAT YURIDIK UNIVERSITETI REKTORINING B U Y R U G ' I

2021 -yil «30» 03

08-73 -son

“SciVal” analitik tizimi maълumotlari asosida Universitetning yutuqlarini monitoring qiliшни taъminlash tўғrisida

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги ПФ-5987-сон Фармонининг 2-бандига асосан ва Тошкент давлат юридик университети кенгашининг 2020 йил 21 майдаги навбатдан ташқари мажлис баёни билан тасдиқланган Тошкент давлат юридик университетини 2030 йилгача халқаро тан олинган ташкилотлар рейтингларидаги энг яхши олий таълим муассасалари рўйхатига киритиш, шунингдек унинг миллий рейтингдаги ўрнини юксалтириш бўйича Комплекс чора-тадбирлар режасини ижросини таъминлаш мақсадида ҳамда Ўзбекистон Республикаси Олий ва ўрта махсус таълим вазирлигининг 2021 йил 23 мартдаги 87-01-305-сонли хатига мувофик

Б У Ю Р А М А Н:

1. Ўзбекистон Республикаси Президентининг 2019 йил 17 январдаги “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясининг “Фаол инвестициялар ва ижтимоий ривожланиш йили”да амалга оширишга оид давлат дастури тўғрисида”ги ПФ-5635-сон Фармонининг 1-илоvasи билан тасдиқланган Давлат дастурининг 209, 217-бандларида белгиланган вазифалар ҳамда Ўзбекистон Республикаси Президенти Администрациясининг 2019 йил 23 февралдаги 06/1-727-сон топшириғи ижросини таъминлаш мақсадида олий таълим муассасаларининг инвестициявий жозибадорлигини ошириш, уларни QS ва THE халқаро рейтинг агентликларининг рўйхатига киритиш учун Ўзбекистон Республикаси Олий ва ўрта махсус таълим вазирлиги ҳузуридаги Олий таълимни ривожлантириш тадқиқотлари ва илғор технологияларни татбиқ этиш маркази билан “Elsevier” компанияси (Нидерландия) ўртасида “SciVal”

аналитик тизимидан фойдаланиш учун хизмат кўрсатиш шартномаси имзоланганлиги маълумот учун қабул қилинсин.

2. Ўзбекистон Республикаси Олий ва ўрта махсус таълим вазирлигининг 2021 йил 23 мартдаги 87-01-305-сонли Олий ва ўрта махсус таълим вазирлиги ҳузуридаги Олий таълимни ривожлантириш тадқиқотлари ва илғор технологияларни татбиқ этиш маркази шахсий ғазна ҳисоб рақамига 85 000 000 сўм миқдоридаги маблағни ўтказиб бериш тўғрисидаги тавсияси инобатга олинсин.

3. Илмий ишлар ва инновациялар бўйича проректор Н.Салаев:

халқаро илмий ҳамкорликни ривожлантириш учун “SciVal” аналитик тизими маълумотлари асосида университетнинг ютуқларини мониторинг қилиб бориш бўйича фаолиятни самарали ташкил этилишини мунтазам равишда мувофиқлаштириб борсин;

“SciVal” аналитик тизимидан фойдаланишни ташкил этилишини таъминлаш бўйича зарур ташкилий чора-тадбирларни амалга оширсин.

4. Илмий бошқарма (И.Эргашев):

халқаро илмий ҳамкорликни ривожлантириш учун “SciVal” аналитик тизими маълумотлари асосида университетнинг ютуқларини мониторинг қилиб борсин;

“SciVal” аналитик тизимидан самарали фойдаланиш бўйича семинар-тренинг ташкил қилсин;

Юридик бюро билан биргаликда “SciVal” аналитик тизимидан фойдаланиш бўйича ўрнатилган тартибда шартнома тузиш чораларини кўрсин.

5. Бухгалтерия (М. Парпиев) шартнома тузилганда SciVal аналитик хизмат кўрсатиш тизимидан бир йил давомида фойдаланиш учун белгиланган 85 000 000 сўм миқдоридаги маблағни университетнинг бюджетдан ташқари маблағлари (тўлов-контракт) ҳисобидан Ўзбекистон Республикаси Олий ва ўрта махсус таълим вазирлиги ҳузуридаги Олий таълимни ривожлантириш тадқиқотлари ва илғор технологияларни татбиқ этиш маркази шахсий ғазна ҳисоб рақамига ўтказилишини таъминласин.

6. Мазкур буйруқ ижросини назорат қилиш илмий ишлар ва инновациялар бўйича проректор Н.Салаев ва молия-иқтисод ишлари бўйича проректор вазифасини бажарувчи А.Иминовга юклансин.

Ректор

Р.Хакимов